

ქ. თბილისი

12 აგვისტო, 2016 წ.

შემსყიდველი: საქართველოს განათლებისა და მეცნიერების სამინისტრო, წარმოდგენილი მინისტრის პირველი მოადგილის ქეთევან ნატრიაშვილის სახით,

მისამართი: ქ. თბილისი, დ. უზნაძის ქ. №52;

ტელ.: 2200 220

საბანკო რეკვიზიტები: სახელმწიფო ხაზინა, კოდი: TRESGE22; ა/ა GE24NB0330100200165022;

საიდენტიფიკაციო კოდი 202051224;

მიმწოდებელი: სსიპ საქართველოს ინოვაციების და ტექნოლოგიების სააგენტო, წარმოდგენილი მისი თავმჯდომარის ირაკლი ქაშიბაძის სახით,

მისამართი: ქ. თბილისი, ინოვაციების ქ. №7

ტელ.: 599 29 59 16

საბანკო რეკვიზიტები: სახელმწიფო ხაზინა, კოდი: TRESGE22; სახაზინო კოდი:707277019;

საიდენტიფიკაციო კოდი 204582521;

ერთი მხრივ - შემსყიდველი და მეორე მხრივ - მიმწოდებელი, 11.08.2016წ. №954596 სამსახურებრივი ბარათის გათვალისწინებით და „სახელმწიფო შესყიდვის შესახებ“ საქართველოს კანონის 10¹ მუხლის მე-3 პუნქტის „დ“ ქვეპუნქტისა და საქართველოს მთავრობის 2016 წლის 02 ივნისის N237 დადგენილების საფუძველზე, დებენ სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტება

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1 „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2 „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3 „დღე“, „კვირა“, „თვე“ – კალენდარული დღე, კვირა, თვე.
- 1.4 „შემსყიდველი“ – ორგანიზაცია, რომელიც ახორციელებს შესყიდვას.
- 1.5 „მიმწოდებელი“ – პირი, რომელიც ახორციელებს საქონლის მიწოდებას ხელშეკრულების ფარგლებში.
- 1.6 „მომსახურება“ – ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი, კლასიფიკატორის კოდი და მომსახურების პირობები

ხელშეკრულების საგანს წარმოადგენს მიმდინარე წლის 12 აგვისტოს, საქართველოს განათლებისა და მეცნიერების მინისტრის კერძო სექტორის წარმომადგენლებთან მეცნიერებისა და ინოვაციების ფესტივალის საკითხებთან დაკავშირებით დაგეგმილი შეხვედრის ფარგლებში ღონისძიების ორგანიზების, კერძოდ, საკონფერენციო დარბაზით სარგებლობის (აპარატურის გარეშე) მომსახურების (CPV79952000) შესყიდვა.

3. ხელშეკრულების ჯამური ღირებულება

3.1 ხელშეკრულების სავარაუდო ღირებულება შეადგენს 800 (რვაასი) ლარს.

3.2 ხელშეკრულების ჯამური ღირებულება მოიცავს შემსრულებლის ყველა ხარჯსა და საქართველოს კანონმდებლობით დადგენილ ყველა გადასახადს.

4. ანგარიშსწორების ფორმა და ვადები

- 4.1 მიმწოდებელთან ანგარიშსწორება განხორციელდება უნაღდო ანგარიშსწორების წესით ეროვნულ ვალუტაში.
- 4.2 ანგარიშსწორება მოხდება მიღება-ჩაბარების აქტის გაფორმების საფუძველზე.
- 4.3 მიმწოდებელთან ანგარიშსწორება განხორციელდება მიღება-ჩაბარების აქტის ხელმოწერიდან 10 კალენდარული დღის განმავლობაში.
- 4.4 წინასწარი ანგარიშსწორება არ გამოიყენება.
- 4.5 დაფინანსების წყარო: 2016 წლის სახელმწიფო ბიუჯეტი, („განათლებისა და მეცნიერების სფეროში სახელმწიფო პოლიტიკის შემუშავება“ (პროგრამული კოდი 320101).

5. შესყიდვის ობიექტის მიღება-ჩაბარების წესი

- 5.1 შესყიდვის ობიექტი ჩაითვლება მიწოდებულად მხოლოდ მიღება-ჩაბარების აქტის გაფორმების შემდეგ.
- 5.2 მიღება-ჩაბარების აქტის გაფორმების საფუძველია წინამდებარე ხელშეკრულების მე-8 პუნქტის 8.2 ქვეპუნქტით განსაზღვრული კონტროლის განმხორციელებელი პირის დასკვნა.
- 5.3 შემსყიდველის მხრიდან მიღება-ჩაბარების აქტზე ხელმოწერა უფლებამოსილ პირს წარმოადგენს საზოგადოებასთან ურთიერთობის დეპარტამენტის უფროსი ან მისი არყოფნის შემთხვევაში - შესაბამისად უფლებამოსილი პირი.

6. მომსახურების განვების ვადები და ადგილი

- 6.1 მიმწოდებელი ვალდებულია უზრუნველყოს მომსახურების განწევა 2016 წლის 12 აგვისტოს.
- 6.2 მომსახურების განწევის ადგილია: ქ. თბილისი, ინოვაციების ქ. №7 ("ტექნოპარკი საქართველოს" საკონფერენციო დარბაზი).

7. მხარეთა უფლება-მოვალეობები

- 7.1 მიმწოდებელი პასუხისმგებელია განუული მომსახურების ხარისხსა და დროულობაზე.
- 7.2 მიმწოდებელი უფლებამოსილია მოსთხოვოს შემსყიდველს განუული მომსახურების ღირებულების ანაზღაურება ხელშეკრულებით გათვალისწინებულ ვადებში.
- 7.3 შემსყიდველი ვალდებულია:
 - 7.3.1 უზრუნველყოს განუული მომსახურების ღირებულების ანაზღაურება ხელშეკრულებით გათვალისწინებულ ვადებში.
 - 7.3.2 განახორციელოს ამ ხელშეკრულებით გათვალისწინებული სხვა ვალდებულებები.
- 7.4 შემსყიდველი უფლებამოსილია ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის კონტროლი.

8. ხელშეკრულების შესრულების კონტროლი

- 8.1 მიმწოდებლის მიერ ხელშეკრულებით გათვალისწინებული შესყიდვის ობიექტის შემსყიდველისათვის მიწოდებისას კონტროლის განმხორციელებელი პირი ამონმებს შესყიდვის ობიექტის შესაბამისობას ხელშეკრულებით გათვალისწინებულ პირობებთან და შემსყიდველის მოთხოვნებთან, რასაც ადასტურებს შესაბამისი დასკვნით.
- 8.2 ხელშეკრულების 8.1 პუნქტით გათვალისწინებულ კონტროლს განახორციელებს პროექტებისა და ღონისძიებების მართვის სამმართველოს უფროსი ნატალია დგებუაძე.

9. ხელშეკრულების პირობების შეუსრულებლობა

- 9.1 შემსყიდველი უფლებამოსილია ხელშეკრულებით ნაკისრი ვალდებულების ხარვეზით შესრულების შემთხვევაში, დააკისროს მიმწოდებელს პირგასამტეხლოს გადახდა ხელშეკრულების ღირებულების 3%-ის ოდენობით.
- 9.2 მიმწოდებლის მიერ ხელშეკრულებით ნაკისრი ვალდებულების არაჯეროვანი შესრულების ან/და შეუსრულებლობის შემთხვევაში მას დაეკისრება პირგასამტეხლოს გადახდა ხელშეკრულების ღირებულების 5%-ის ოდენობით.

9.3 დაკისრებული პირგასამტეხლო გადახდილ უნდა იქნას მხარისათვის აღნიშნულის თაობაზე გადაწყვეტილების (წერილი პირგასამტეხლოს დაკისრების თაობაზე) გაცნობიდან არაუგვიანეს 1 თვის ვადისა.

9.4 პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

10. ხელშეკრულებაში ცვლილებების შეტანა და ხელშეკრულების შეწყვეტა

10.1 ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

10.2 ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

10.3 ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

10.4 მხარე ვალდებულია არანაკლებ 1 კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს ამ ხელშეკრულების 10.3 პუნქტით გათვალისწინებულ გადაწყვეტილების მიღების განზრახვის შესახებ

10.5 ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

11. ფორს-მაჟორი

11.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

11.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათგან დამოუკიდებელ გარემოებებს, რომლებიც არ არის დაკავშირებული შემსყიდველის და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დანესებით და სხვა.

11.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

12. დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

13. ინტერესთა კონფლიქტი

“სახელმწიფო შესყიდვების შესახებ” საქართველოს კანონის მე-8 მუხლის მოთხოვნათა გათვალისწინებით, წინამდებარე ხელშეკრულებაზე და მიღება-ჩაბარების აქტზე ხელმოწერნი და კონტრაქტის განმახორციელებელი პირები სრულად აკმაყოფილებენ კანონის ამ მოთხოვნას და არ იმყოფებიან ინტერესთა კონფლიქტში მიმწოდებელთან.

14. ხელშეკრულების მოქმედების ვადა

14.1 ხელშეკრულება ძალაში შედის მისი ხელმოწერის დღიდან და მოქმედებს 2016 წლის 30 სექტემბრის ჩათვლით, მხარეთა მიერ ნაკისრი ვალდებულებების სრულად შესრულებამდე.

14.2 მხარეები ვალდებული არიან ხელშეკრულების ვადის გასვლის შემდეგაც შეასრულონ თავისი ვალდებულებები, თუ ეს ვალდებულებები წარმოიქმნა ხელშეკრულებით გათვალისწინებული პირობებით.

15. ზოგადი დებულებები

15.1 არც ერთ მხარეს არ აქვს უფლება, მეორე მხარისაგან წერილობითი თანხმობის გარეშე თავისი უფლებები ან ვალდებულებები გაასხვისოს ან გადასცეს მესამე პირებს.

15.2 მხარეები თანხმდებიან, რომ ის ურთიერთობანი, რომლებიც არ იქნა დარეგულირებული წინამდებარე ხელშეკრულებით, რეგულირებული უნდა იყოს საქართველოს კანონმდებლობით დადგენილი წესით.

15.3 ხელშეკრულება და მასთან დაკავშირებული ყველა დოკუმენტაცია, რომლებიც გაიცვლება მხარეთა შორის ფორმდება ქართულ ენაზე.

15.4 ხელშეკრულება შედგენილია სამი თანაბარი იურიდიული ძალის მქონე ეგზემპლარად, რომელთაგან ორი რჩება შემსყიდველს, ერთი – მიმწოდებელს.

მხარეები არსებითად ეთანხმებიან წინამდებარე ხელშეკრულების პირობებს, რასაც ადასტურებენ ხელმოწერით:

შემსყიდველის მხრიდან:

მიმწოდებლის მხრიდან:

მინისტრის პირველი მოადგილე

თავმჯდომარე

ქეთევან ნატრიაშვილი

ირაკლი ქაშიბაძე



ხელშეკრულების პროექტი მოამზადა:

შესყიდვების სამმართველოს უფროსის მ.შ.: /ნათია მუავია/ ნ. მუავია

შეთანხმებულია:

ეკონომიკური დეპარტამენტის უფროსის მოადგილე: /დავით გოგუაძე/ დავით გოგუაძე

ეკონომიკური დეპარტამენტის უფროსი: /ლაშა სალინაძე/ ლაშა სალინაძე

სამართლებრივი ექსპერტიზისა და სასამართლოებთან ურთიერთობის სამმართველოს უფროსის მ.შ.: /ქეთევან ირომაშვილი/ ქეთევან ირომაშვილი



12 აგვისტო, 2016 წ.

ინსპექტირების აქტი

მოგახსენებთ, რომ მიმდინარე წლის 12 აგვისტოს, საკონფერენციო მომსახურების შესყიდვის მიზნით, საქართველოს განათლებისა და მეცნიერების სამინისტრომ გააფორმა ხელშეკრულება სსიპ საქართველოს ინოვაციების და ტექნოლოგიების სააგენტოსთან (08-90/2 ხელშეკრულება)

გაცნობებთ, რომ აღნიშნული ხელშეკრულებით შესყიდული მომსახურება გათვალისწინებულ ვადებში და არსებული პირობების დაცვით განხორციელდა.

საზოგადოებასთან ურთიერთობის დეპარტამენტის

პროექტებისა და ღონისძიებების მართვის სამმართველოს უფროსი

ნატალია დგებუაძე



ქ. თბილისი

22 აგვისტო, 2016 წ.

ჩვენ, ქვემოთ ხელის მომწერი, ერთი მხრივ, "შემსყიდველი", საქართველოს განათლებისა და მეცნიერების სამინისტრო, წარმოდგენილი საზოგადოებასთან ურთიერთობის დეპარტამენტის უფროსის ნატო ასათიანის სახით და მეორე მხრივ "მიმწოდებელი", სსიპ საქართველოს ინოვაციების და ტექნოლოგიების სააგენტო, წარმოდგენილი მისი თავმჯდომარის ირაკლი ქაშიბაძის სახით,

ვადგენთ ამ აქტს მასზე, რომ მხარეთა შორის 2016 წლის 12 აგვისტოს გაფორმებული №08-90/2 ხელშეკრულების თანახმად "მიმწოდებელმა", 2016 წლის სახელმწიფო ბიუჯეტის („განათლებისა და მეცნიერების სფეროში სახელმწიფო პოლიტიკის შემუშავება“ (პროგრამული კოდი 320101) დაფინანსების ფარგლებში, უზრუნველყო მიმდინარე წლის 12 აგვისტოს, საქართველოს განათლებისა და მეცნიერების მინისტრის კერძო სექტორის წარმომადგენლებთან შეხვედრისა და ინოვაციების ფესტივალის საკითხებთან დაკავშირებით დაგეგმილი შეხვედრის ფარგლებში ღონისძიების ორგანიზების, კერძოდ, საკონფერენციო დარბაზით სარგებლობის (აპარატურის გარეშე) მომსახურება, ღირებულებით 800 (რვაასი) ლარი.

800 (რვაასი) ლარს.

სახელშეკრულებო თანხა შეადგენს _____
(თანხა ციფრით და სიტყვიერად)

800 (რვაასი) ლარს.

განეული მომსახურების ღირებულება შეადგენს _____
(თანხა ციფრით და სიტყვიერად)

ჩააბარა:

სსიპ საქართველოს ინოვაციების და ტექნოლოგიების
სააგენტოს თავმჯდომარე



/ირაკლი ქაშიბაძე/

მიიღო:

საზოგადოებასთან ურთიერთობის დეპარტამენტის უფროსი

